

瑤華帝君注曰尙書云稼穡艱難詩雅云稼穡惟寶則可知  
 農事乃有天下者之亟務而窮兵黷武最足以妨農業是故  
 有道之世寓兵於農屏却戰鬥田獵而馬無所用一時民得  
 三時無害遂致力以糞田焉苟或無道則戎馬生於郊圻民  
 不聊生尙何糞田之有要其戎馬之生總緣於僉壬敗類逢  
 君之惡懸可欲者以相招而人君不以有天下自足且必欲  
 得而甘心焉則其禍患有鮮所底者故以可欲者誘人其罪  
 大矣而不知自足爲其所誘而必欲得之迨至得禍慘酷伊  
 誰之咎乎太上曰禍曰咎蓋深切以警人也由是論之足有  
 何盡貪得者緣於不知雖日求足而究不克足惟知現在處  
 即是足則無入弗得斯常足矣

道藏輯要

道德經解

書

卷之二十一

鑒遠章第四十七

不出戶潛知天下智周萬物不窺牖窺肢體見天道離形去智其出彌遠神遊萬國其知彌少心包太虛

瑤華帝君注曰易之同人曰出門同人昌黎伯曰坐井觀天  
 斯二說者均與不出戶不窺牖之論相左而太上當日乃爲  
 是說者爲性之渾全而言也蓋人同此心心同此道此一人  
 之心卽千百人之心卽萬億人之心本是心以運之四海融  
 於一室故無庸出戶而知之也天之道卽人之道喜怒哀樂  
 陰慘陽舒恆相配待人身所以爲一小天地也川流教化之

德而即本吾德以德之則天道瞭在爾室亦奚俟窺牖而始見乎世人不知道在目前而遠以求之惟其出求之彌遠則其知道也彌少

是以聖人不行而知明鏡不見而名寶劍不為而成不動

又曰道之渾全如彼心之光瑩如此光瑩者渾全之用也聖人無方無體何慮何思其所知者不待行而始知其能名者不待見而始名則其所成者蓋亦無事於為而為之利已溥矣惟無為斯以有為有為未有不自無為運之也無為之為亦安用出戶而窺牖也哉

忘知章第四十八

道藏輯要

道德經解

要

心集一

為學日益

百尺竿頭更進一步

為道日損

空諸所有納此一無

損之又損

皮毛剝盡惟有眞實

以至於無為

恬淡虛靈

無為而無不為

自然萬化

瑤華帝君注曰損益二字在孔子為經世者說則取益而戒損在太上為出世者說則取損而忌益如人或昧於道本而逐其末以學之博聞強識采實摭華黽勉既深聰明就廣非不勤且專也然亦第謂之益而已苟一日知道而去其妄心收其放性處處俱從本原上探求舍多識而會一貫若是者方謂之損然知其當損從而損之是猶有心於損之也惟損之又損以至不自知其損則是無心損矣無心者即所謂無為也惟無為而溥博淵泉無非道所充塞則亦無不為也已